

感症宝筏

增春署签



中華民國元年正月付印  
中華民國元年三月出版

定價大洋  
感症寶笈每部八冊

著者

歸安吳

貞

重訂者

山陰何炳元

元

印刷者

浙東印書局

局

總發行所

明強書藥局

局



分售處

紹興大城街  
墨潤堂書莊  
奎照樓書莊  
明達書莊

紹興大城路

教育館



濕症 合參

張司農謂暑邪之害甚於寒。因作暑症全書。濟世竊以爲濕邪之害更有甚於暑者。蓋盛暑之時必兼濕而濕盛之時不兼暑。暑邪止從外入而濕邪兼乎內外。暑邪爲病驟而易見。濕邪爲病緩而難知。凡處澤國水鄉者於濕症尤宜加察焉。如外感之濕着於肌表者或從雨霧中而得。或從地氣潮濕中而得。或上受或下受或徧體均受。皆當以解肌法微汗之。兼風者微微表散。兼寒者佐以溫藥。兼熱者佐以清藥。此外受濕邪之治也。如内生之濕留於藏府者乃從飲食中得之。凡膏粱酒醴甜膩厚味及嗜茶湯瓜菓之類皆致內濕。治法不外上開肺氣下通膀胱中理脾陽爲治。然陽體多成濕火而陰體多

患寒濕。又當察其體質。陰陽爲治。用藥之法。當以苦辛寒治濕熱。苦辛溫治寒濕。概以淡滲佐之。甘酸膩濁之品。在所禁用。前太陰新法。內已陳濕邪之概。茲特參濕邪之兼症。而以表裏三焦分治焉。若夫濕邪變幻之態。爲病非一。當以雜症各門求之。可也。凡脾虛多中濕。一身盡痛爲濕。有表有裏。有濕熱。有寒濕。有風濕。

濕痺 痺者痺着不去也

論曰。太陽病。關節疼痛。而煩脈沉而細者。此名中濕。亦曰濕痺。其候小便不利。大便反快。但當利其小便。此宜五苓散主之。發黃加茵陳。

風濕

病者一身盡疼。發熱日晡劇者。此名風濕。此病傷於汗出。當風或久。

病取冷所致也。可與麻黃、杏仁、米仁、甘草湯。又曰：風濕脈浮，身重汗出惡風者，防已黃耆湯主之。風濕相搏，一身盡疼，法當汗出而解。值天陰雨不止，醫云：此可發汗。汗之痛不愈者，何也？蓋發其汗，汗大出者，但風氣去，濕氣在，故不愈也。若治風濕者，發其汗，但微微似欲汗出者，風濕俱去也。

### 頭中寒濕

濕家病，身疼發熱，面黃而喘，頭痛鼻塞而煩，其脈大，自能飲食，腹中和，無病。病在頭中寒濕，故鼻寒。納藥鼻中則愈。（用香瓜蒂一味爲末，吹鼻中，黃水立下則愈。）濕家下之，額上汗出微喘，小便利者死。若下利不止者，亦死。

以上述金匱

表濕

關節疼痛脈浮而濡四肢痿弱此濕邪在表也小便利者桂枝湯加川羌白朮等微汗之小便不利者五苓散加減

中濕

若關節重痛浮腫喘滿腹脹煩悶昏不知人脈沉而緩或沉而細此名中濕宜升陽除濕湯或白朮酒

破傷濕

有破傷處因澡浴濕氣從瘡口入其人昏迷沉重狀類中濕名破傷濕宜白朮酒



濕熱

脉滯細而數發熱身痛小水短澹或身目俱黃屬濕熱症宜五苓散加生梔黃柏茵陳秦艽

寒濕

脈沉遲而濡身無熱但吐瀉口不渴小水清利身痛重者或手足腫痛者為寒濕宜分滲兼溫中胃苓湯加炮薑木瓜重者加附子按論云濕家其人但頭汗出背強欲得被覆向火者此寒濕也又云傷寒八九日風濕相搏身體疼痛不能自轉側不嘔不渴脈浮虛而澹者桂枝附子湯主之亦風濕兼寒也

風濕



脈浮身重不能轉側白汗或額上多汗此乃先傷於濕又冒風所致宜微汗之漬漬然似欲汗者風濕俱去矣大羌活湯二活知母防己白芷白朮當歸川芎

### 濕痰

脈沉緩而滑四肢流注或項背強恆見於肥白人屬濕痰宜二陳二朮桂枝羌活等加減脾胃受濕則沉困無力怠惰好睡須二朮爲君上部濕蒼朮最烈下部濕升麻提之外濕宜表散內濕宜滲泄濕盛身痛羌活勝濕湯平胃散之類風濕相搏一身盡痛自汗者防己黃耆湯濕盛身痛小便不利體重發渴者五苓散加川羌一倍煎服妙





以上諸條參治法彙

濕着肌表

如發熱身痛。腕悶不渴。舌胎白膩。或汗出不解。此濕邪着於肌腠之表也。宜解肌滲濕。如桂枝、秦艽、紫蘇、二陳、厚朴、薑皮、茯苓皮之類。

濕留氣分

凡發熱身痛。汗出則解。繼而復熱。脈來濡緩。舌胎白膩。此濕邪阻於氣分。熱自濕中來。徒用清熱藥不應。宜茯苓皮、大腹皮、滑石粉、黃芩、通草、半夏、猪苓之類。以逐氣分之濕熱自除矣。

太陰濕伏

凡身體沉重不能轉側。四肢乍冷。目黃。脘痞。自利。語言欲蹇者。此濕

邪。伏。於。太。陰。以。致。脾。陽。不。運。而。然。也。宜。健。脾。兼。分。利。茅。朮。厚。樸。茯苓。皮。草。薢。菖。蒲。廣。皮。木。瓜。澤。瀉。之。類。  
如。口。內。生。疳。而。仍。不。渴。者。此。濕。滯。於。中。氣。蒸。於。上。也。治。在。氣。分。茅。朮。米。仁。猪。苓。澤。瀉。廣。皮。桔。梗。寒。水。石。之。類。  
如。痞。結。胸。滿。飲。食。不。進。舌。黃。微。渴。此。濕。熱。傷。脾。也。宜。瀉。心。法。半。夏。茯苓。川。連。厚。樸。茅。朮。通。草。之。類。

濕熱內結

如。寒。熱。腹。滿。小。便。不。利。此。濕。熱。內。結。也。宜。走。濕。清。熱。茅。朮。赤。小。豆。茵陳。茯苓。皮。厚。樸。黃。柏。澤。瀉。之。類。

酒濕傷胃



脘中食阻痛而嘔吐或目色金黃此酒濕傷胃所致宜以苦辛寒爲治半夏枳實薑汁黃連豆豉茵陳之類

濕兼痧穢

穢濕從口鼻吸入則膜原先受分布營衛先嘔逆次寒熱頭脹身痛小便不通舌胎白膩渴不多飲當以芳香淡滲兼施俾穢濕滯邪可以分消宜廣皮藿梗鬱金茅朮米仁茯苓皮豬苓大腹皮石菖蒲通草等

濕熱兼穢

暑濕兼穢氣多從口鼻觸入濕由膜原以走中道踞膜原則寒熱交作走中道則不食不飢口渴舌黃胸痞腹脹治宜清熱開鬱兼芳香



逐穢。梔鼓湯。加藿香、川鬱金、白蔻、枳實、製連、萸皮、桔梗之類。若小水不利，加赤小豆、赤茯苓之類。腹脹甚，加厚樸、大腹皮。

濕熱爲痺

外受濕熱之邪，內進甜膩之物，則濕聚熱蒸，蘊於經絡，寒戰熱懨，骨節煩疼，舌胎灰膩，面目痿黃，此濕熱入於經絡爲痺也。濕家忌汗，宜苦降辛通爲治。防已、杏仁、滑石、半夏、米仁、連翹、山梔、野赤豆皮、路路通之類。

更有暑濕風邪混雜，阻於氣分，氣不主宣，右肢若廢，頭脹胸痞，法當通陽驅邪。用杏仁三錢、生米仁三錢、桂枝五分、厚樸一錢、半夏一錢五分、漢防已一錢五分、白蒺藜二錢、片薑黃一錢。



三焦濕鬱

發熱後神識漸昏。小腹硬滿。大便不下。此暑濕氣蒸而瀰漫。三焦乃諸竅阻塞之兆。氣分結邪。忌用滋膩。須桂苓甘露飲法。宜茯苓猪苓滑石塞水石晚蠶沙皂莢子去皮。以上參葉案。



感  
症  
覽  
符



南京中医药大学图书馆版权所有  
1654

濕溫

夏、月、頭、疼、妄、言、自、汗、身、不、甚、熱、兩、脛、逆、冷、四、肢、沉、重、胸、腹、多、痞、而、滿、其、人、先、傷、於、濕、因、而、中、暑、其、脉、陽、濇、而、弱、陰、小、而、急、不、可、發、汗、汗、之、名、重、喝、必、死、汗、多、者、白、虎、湯、加、桂、枝、汗、少、者、白、虎、湯、加、蒼、朮、或、概、用、蒼、朮、白、虎、湯、述、古

按濕溫症。因長夏每多陰雨。得日氣煦照。則潮濕上蒸。襲人肌表。着於經絡。則發熱頭脹。身痛足脛痛。舌胎白膩等症。重者兼感時邪。不正之氣。卽爲濕溫疫症。

邪入氣分

暑濕之邪。阻於肺。必咽痛發熱。身痛。舌胎黃厚粘膩。煩渴不解。當清

上焦如連翹、桔梗、滑石、射干、米仁、馬勃、通草、淡竹葉、銀花、蘆根之類。  
如見身發斑疹、舌黃燥厚、當涼膈、疏斑、如連翹、薄荷、生梔、石膏、牛蒡  
杏仁、枳實、黃芩之類。

邪乘胞絡

濕溫之邪乘於胞絡則神識昏呆發熱身痛四肢不暖舌胎鮮紅燥  
刺者宜解手厥陰之邪如犀角尖連翹石菖蒲川鬱金元參赤小豆  
西黃之屬主之。

邪入營分

如濕溫之邪入於血絡舌胎中黃邊赤發爲赤斑丹疹神昏譫語宜  
清疏血分以透斑佐芳香逐穢以開閉犀角連翹赤芍銀花牛蒡菖





蒲鬱金、元參、薄荷、人中黃之類。

邪阻上焦

病起發熱、頭脹、漸至耳聾、喉痛、欲閉鼻中、衄血、此邪混氣分之象。在上焦、空虛之所、非苦寒直達胃中之藥、可以治病、不能即解、即有昏瘦之變、宜輕清理上、爲治如連翹、馬勃、牛蒡、銀花、射干、白金汁、如見呃忒、加枇杷葉、竹茹。以上參葉案。

附暑濕穢合邪論

凡暑月、霖雨之後、日氣煦照、濕濁上騰、人在濕熱蒸騰中、感之則暑濕交、受兼濁穢濁之氣入中之、即痧毒也。夫人之正氣一虛、暑濕穢濁之邪俱從口鼻吸入、流布三焦、上乘於心、爲中痧、中入於胃、爲霍

亂踞於膜原爲寒熱歸於腸胃爲泄瀉蓋暑濕之邪驟發而重者爲濕溫遲發而輕者爲寒熱如瘧爲伏暑晚發觸邪隨時卽發者爲寒熱爲泄瀉伏邪遇秋始發者則爲瘧爲痢矣一邪之染爲病非二臨症者可不探本窮原以治哉



霍亂 新法

論云。霍亂頭痛發熱身疼痛。又云。嘔吐而利。名霍亂。又云。頭痛身疼。惡寒吐利。名曰霍亂。合觀之。則霍亂之症。始備。蓋亦傷寒之類耳。其治法。則云。熱多欲飲水者。五苓散主之。寒多不用水者。理中湯主之。按此皆由陰陽不和。上下拒格。不通所致。五苓所以分其清濁。理中所以壯其陽氣。皆中焦之治也。參類方注。

凡霍亂腹痛吐瀉脈見結促。代或隱伏。或洪大。皆不可斷。爲死。果脈來微細。欲絕。少氣不語。舌捲囊縮者。不治。

書云。陰陽易位。曰霍。升降失常。曰亂。按此症。四時俱有。夏秋尤多。大抵中宮必有飲食停滯。外犯暑濕穢濁之邪。阻塞中焦。以致清不得



升。濁。不。得。降。陰。陽。錯。亂。而。成。斯。症。或。吐。瀉。並。作。或。吐。而。不。瀉。或。利。而。不。吐。或。先。吐。後。瀉。總。屬。中。焦。之。病。邪。上。越。則。吐。下。泄。則。瀉。不。必。分。屬。三。焦。

感寒

六脈沉遲。口不渴。小便清利。吐瀉並作。或兼腹痛。此名濕霍亂。寒邪重也。宜藿香正氣散出入。若大吐大瀉。六脈俱伏。手足厥冷。舌胎黑滑者。太陰中寒也。作陰霍亂。治理中湯加附子。

吸暑

面赤口渴。或乾嘔。或吐瀉。舌胎微黃而燥。或白中兼紅。胸悶腹痛。此

口鼻吸入穢暑而成也。宜辰砂六一散。加枳實、厚朴、川連、鬱金之類。

暑濕兼穢

如觸暑濕痧穢而成霍亂。腹中絞痛嘔惡吐瀉。宜清暑濕兼芳香透穢。如廣藿梗、川鬱金、厚朴、枳實、菖蒲、檳榔、赤苓、滑石、腹皮、通草之類。

濕熱

嗜酒之人濕熱內着中宮。阻塞而成霍亂吐瀉。不得二便。俱秘嘔惡不止。宜瀉心法。如半夏、橘紅、川連、枳實、梔子、豆豉、滑石、粉、茯苓皮、茵陳、澤瀉之類。戒其斷米飲甜膩物。以待中宮清肅。否雖藥弗效也。

食挾暑穢

如胃中已停飲食。更兼吸入暑穢。其勢必劇。腹痛飽悶吐瀉不得絞。



腸大痛。舌黃燥。厚煩渴。便閉急。宜清疏中宮。如藿梗、厚樸、川連、枳實、查肉、麥芽、鬱金、青皮、草薢、滑石之類。主之。如未效。腹中板實大痛。難忍。二便不通。舌胎厚黃燥。刺脈弦滑有力。此邪結於腸胃中也。夫承氣湯下之。如年高氣弱。須用枳實、檳榔、生大黃、生梨、鮮生地等。以養腸胃之陰。緩下之可也。使通之後。仍戒其勿進米飲甜膩之物。只用蘆稷湯養之和之。恐餘邪未清故也。

### 胃傷生冷

如過食生冷。以致心腹脹滿。痛瀉不已。宜理中湯。加青陳、厚樸、木香。必舌潤口不渴。右脈沉遲。可用此法。凡霍亂症。無非暑濕痧穢。飲食凝結而成。忌一切甘膩之物。更忌熱。

油氣犯之。必復患者。須遠庖厨坑厠等處。使不犯油氣穢氣。方可調治。

凡霍亂症。大忌飲食。即米飲下咽。亦死熱湯。亦忌。並忌一切甜膩。滋補及辛辣之物。惟清爽鬆利之物。可食。如花紅枇杷生梨嫩藕之類。霍亂因傷暑熱。痧穢者。當以蕎麥炒熟作湯服。最妙。既能通利。以去暑穢。又能和中。環頭蘆稷湯。能去痧穢。止嘔吐。尤能養胃和中。凡治霍亂。宜戒穀食。以清胃。惟宜蕎麥蘆稷炒熟作湯。用以代茶。既有去邪逐穢之能。又有養胃和中之妙。但蕎麥性涼。通利熱實之症。爲宜。蘆稷性溫。和中。中氣虛者。尤宜。

傷津嘔逆

凡霍亂大吐之後暑濕穢邪已去胸中通泰而乾嘔大渴舌中心絳燥無胎者此津液消耗也急宜鮮生地釵石斛麥冬花粉北沙參棗豆皮之類養之

霍亂轉筋

不拘因寒因暑總加木瓜於藥內邪去轉筋自止若吐瀉已定而筋尚轉是耗其津液而然也宜養液舒筋如鮮生地花粉鈎藤米仁木瓜之類

陰霍亂

凡霍亂實熱症皆中焦胃病寒症即胃傷生冷太陰感寒是也治法俱見前陰霍亂者乃少陰症初起吐利脈沉伏手足冷其舌形胖嫩



淡紅不渴者是也。四逆湯理陰煎之類。察其宜剛宜柔投之。如見舌胎紫色而乾口渴乾嘔者當以金水六君煎和之。如見舌形胖嫩而色黑滑者是太陰中寒理中症也不可認作少陰。

邵評凡治太陰藥宜剛燥治少陰藥宜溫潤。

有少陰傷寒先從吐瀉而起但看舌形紫色無胎或舌中微白而四畔紅絳六脈沉細似寐非寐者即是少陰傷寒治當益陰和中不可作霍亂治。

按凡病起吐瀉而舌上有胎或黃或白者方是霍亂否則癍痧未透也緣二症中有濕熱之邪故舌生胎少陰乃虛症所發故舌但紫絳或淡紅而無胎臨症者辨之。



凡霍亂吐瀉發於夏秋之間固宜察其暑濕穢食之邪爲治若治之不效或兼嘔吐煩悶脈伏足冷之症者又當審其是否癍疹痰飲不可草率也

### 乾霍亂

欲吐不吐欲瀉不瀉腹痛欲死俗名絞腸痧是也急用淡鹹湯或葱礬水用鵝羽探吐得吐則生不吐則死吐後方用理氣和中清疏之劑隨症治之

如已成閉症神昏不語放痧刮痧等法俱不效者急以鹽填滿臍孔灸之不計壯數

乾霍亂神昏不語形脫者不治如開聲神清但吐瀉不得絞腸痛欲

死者急用探吐法。并放痧刮痧之法。蓋毒氣以下行為順。景岳刮痧法最妙。

如見瘡滿燥實。臍旁耕痛不可忍者。下症也。急以承氣湯下之。此以提吐為逆。達下為順也。

凡乾霍亂神昏不語。而形脈不脫者。可治。脈伏而形神不失者。亦可治。或按穴放痧。或背心刮痧。再以川鬱金、石菖蒲、廣藿梗、滑石粉、通草等煎湯。沖入西黃二分投之。

乾霍亂神昏不語。六脈沉伏。是否兼火。當清者。是否兼寒。當溫者。儘當察其唇齒舌胎之燥潤。以別之。

乾霍亂大痛難忍。大汗大渴。舌黃燥。刺用黃連絞水服之。汗止者生。



不止者死。

霍亂發躁地漿水冷服之。

絞腸痛蕎麥湯冷服之。

嘔吐不休環頭蘆稷湯冷服之。

霍亂腹痛行氣逐穢藥不效者飛鹽點湯冷服之。

### 探吐法

以陰陽水對冲。先以刀燒紅。置鹽一撮於刀上。即以熱鹽冲水中和。勻令病人飲之。居密室中。以布祇拴緊其腹。將鵝羽探吐。得吐則生。不吐則死。如醒時。切不可與粥飲。與之立死。不可與熱湯。與之則心閉而死。



伏暑晚發 參葉案

晚發者夏受暑濕之邪留伏於裏至秋新邪引動而發也其症與瘧疾相似但寒熱模糊脈象沉滯舌胎粘膩脘痞煩悶午後更熱天明汗解或無汗清晨稍解此暑濕之邪留着於裏最難驟愈治法不外三焦主治

在上焦則舌胎白膩頭脹身痛肢冷胸悶咽乾溺澀等症當泄氣分之熱宜連翹杏仁滑石薄荷橘紅通草半夏桔梗熱邪重加黃芩蘆根濕邪重加白蔻厚樸

在中焦則舌胎微黃粘膩痞悶胸滿或日黃舌白口渴溺赤宜濕熱兼治用法半夏陳皮赤苓枳實川連通草之類

若濕邪重。則脾陽受傷。目黃腹脹。小溲不利。或大便不實。又宜溫中。去濕。如茅朮厚樸。二苓澤瀉。木香。木瓜之類。濕甚加乾薑。

濕熱結於下焦。氣分必兼小腹脹滿。小便不利。宜茯苓猪苓滑石寒

水石。晚蠶沙。茵陳。澤瀉之類。桂苓甘露飲亦可。

若暑濕之邪入於營分。則口渴心煩。舌赤。宜清營分之邪。犀角。鮮生

地。菖蒲。元參。連翹。銀花之類。

若舌胎中黃。邊絳。齒燥唇焦。脈左數右大。此暑邪內燔氣血。兩虧也。

玉女煎加減。



脚氣 述古

初起發寒熱殊類傷寒。第脚膝痛或腫與傷寒異。屬濕熱。雖由坐臥濕地與濕水而得。久之必濕化爲熱。初發散復兼分利。與濕症同法。

主治大法

用茅朮紫蘇二活秦艽米仁等。以去風濕兼利關節。黃柏黃芩以清熱。防已木瓜草薢以達下消腫利濕。檳榔陳皮以行氣。後佐以血分藥。調之川斷芎歸丹參之類。

攻胃嘔逆。二陳平胃加木瓜小水不利。五苓散。

攻心則恍惚謬妄嘔吐不食。眠臥不安。左寸乍大乍小。右寸乍無不治。



邪客三陽屬表。見寒熱拘急。宜汗。邪客三陰屬裏。見二便阻滯。宜滲利。

雞鳴散

治脚氣腫痛。寒濕流注。筋脈浮腫。最驗。

檳榔

爲君重用

陳皮

鹽水炒

吳萸

少許鹽水炒

木瓜

紫蘇

桔梗

生薑

雞鳴時服。天明大便見黑糞色。是濕毒已下也。





虛煩 述古

虛煩者因虛而煩躁發熱也。但不惡寒。頭身不痛。與傷寒異耳。雖有熱不可攻。熱去則寒起。誠格言也。如勞役虛煩。身熱頭痛。氣口脈虛大者。即勞倦內傷症也。補中益氣湯主之。蓋以甘溫之品。補其中氣。升其陽氣。其熱自止。或少加黃柏以滋腎陰。其效如神。如勞役虛煩。身熱骨疼。腿膝痠軟無力。或兼自汗。舌潤不渴者。當以歸芪建中湯加川斷。杜仲主之。若傷寒煩躁發熱。舌燥口渴。妄言。日常之事。俗名勞倦。實非也。乃心胞絡之火。宜清之。溫膽湯加川連。鈎藤。淡竹葉。兼痰者加天竺黃。川貝母。

如心氣虛而躁煩不寧不寐者左寸脈必虛小當以茯神遠志棗仁  
丹參之類以補心氣甚者加辰砂金箔之類以鎮心神虛甚加人參



痰症 新法

肺風寒痰

如見憎寒發熱鼻塞頭痛胸滿氣急或咳或喘右寸浮滑或沉伏者此風痰在肺也如舌白而潤口不渴者痰由寒邪生也宜二陳湯加蘇杏前胡羌活蘇薄之類微散之喘加炙麻黃葶藶子以瀉肺如舌胎白燥口渴肺家津液少也宜瀉白散加前胡杏仁橘紅茯苓象貝川斛薄荷枯苓之類

肺風熱痰

如微寒發熱胸悶氣逆咳嗽兼喘舌胎黃燥或白刺口渴脈數者此風熱客肺生痰也宜羚羊角前胡桑杏葶霜貝母枯苓橘紅薄荷旋



之花。淡竹葉之類。以去風熱痰自平矣。如痰閉氣逆。加竹瀝薑汁潤之。

胞絡熱痰

如傷寒神昏譫語。目睛微定。或舌蹇語澁。舌胎尖赤。中白而燥者。此熱痰乘於胞絡也。宜犀角尖。川鬱金。石菖蒲。天竺黃。川貝母。鈎藤。淡竹葉。瓜蒌霜之類主之。如舌絳神呆痰潮語蹇者。內閉也。加西黃。

痰挾痧疹

凡時感傷寒初起。即胸中煩悶。氣急痰喘。先用豁痰利氣藥。痰已行而喘減。但煩悶身熱不除。反加耳聾足冷者。此必痰挾痧疹也。急宜透之提之。如羚羊角。連翹。牛蒡。防風。乾葛。薄荷。枳殼。桔梗。蟬衣之類。



痧疹挾痰

凡時感初起。煩悶嘔惡。手足指冷。寸口脈滯。先用解表透疹之藥。痧疹雖透。而病勢不減。滿悶喘急。仍在者。此必痧疹挾伏痰也。當豁痰以透疹。前胡杏仁象貝瓜蒌橘紅海石羚羊角牛蒡薄荷桔梗竹瀝薑汁之類。主之。痰行結解。痧疹外達。而諸症自平。

絡中濕痰

如發熱。腕悶。胸脇肩背皆痛。此濕痰竊踞肺胃之絡。痰氣交阻。故痛宜六安煎。去甘草。加桂枝。鈎藤。蒺藜。瓜蒌皮。片薑黃。白殭蠶。木香汁之類。通之行之。

痰入肝絡



傷寒有解表之後。肢體不能動者。此痰入於肝絡故也。當以金星礞石、半夏、瓜蒌、茯苓、陳皮、天蟲、全蝎、薑汁、炒蒺藜、川桂枝、旋覆花之類。以搜入絡之痰。肢自遂矣。如未應。即以養血藥兼之。

解後伏痰

傷寒解表之後。熱勢稍退。但覺目鈍、神呆、身重、或胸痛、滿不暢者。此胃中有伏痰也。右關脈必沉伏。或沉滑。宜二陳湯加枳實、瓜蒌、薑汁、竹茹之類。豁之行之。

中宮濕痰

如傷寒胸悶、寒熱模糊、惡心、不渴者。中宮有濕痰也。二陳湯加枳實、厚樸、紫蘇、茅朮之類和之。



積痰

如發熱胸悶咳嗽氣急痰多濃厚者中宮積痰也宜燥潤並用如南星半夏瓜蒌海石枳實陳皮茯苓之類或導痰湯亦可

解後餘痰

凡傷寒汗解後癍疹已透後尙覺餘熱未除目睛微定者痰也眼下黑色者亦痰也其症必中脘痞悶少納不飢宜二陳湯加枳實麥芽和之



感  
症  
實  
錄



南京中医药大学图书馆版权所有  
1664



痰飲 參葉案 語冠諸首

痰飲症治詳於金匱今述其要

脈沉弦為飲面色鮮明為飲

治飲當以溫藥和之

飲家咳嗽當治飲不當治欬

外飲治脾內飲治腎 述仲景法

寒邪犯肺飲發

凡外感寒邪引動宿飲上逆咳嗽畏冷發熱當以溫藥和之宜桂枝

干薑半夏茯苓杏仁炙草

溫邪犯肺飲發



南京中醫藥大學圖書館版權所有

如溫邪上犯氣分以致伏飲內發上擾乘肺氣不降喘不得臥發熱無休或見咳紅亦屬絡熱宜桂枝合越婢法以開太陽使濁飲下趨且桂枝得石膏辛涼仍不礙於溫邪之治用石膏桂枝半夏茯苓澤瀉杏仁米仁白芍甘草

痰飲挾燥火

凡咳嗽喉中燥痛或癢仍不渴飲者此痰飲挾燥火也夫脾家有飲故不渴而肺家有火故喉間燥癢也宜理氣分之熱兼逐脾家之飲勿以喉間燥痛而妄用滋清宜半夏茯苓重用橘紅杏仁川鬱金瓜蒌皮白通草冰糖炒石膏 此條新法

陽虛飲泛



如年高脾胃陽虛氣不收納痰飲上泛以致嘔咳或着枕就噎乃痰飲伏於下焦腎絡之中至陰之界陽氣衰微則形寒畏冷下氣上逆則着枕就噎治法當以溫藥和之宜桂苓朮甘湯以和脾都氣飲加熟附胡桃以治腎

絡中伏飲

如胸脇刺痛時吐酸飲脈沉弦而口渴者此伏飲在絡也宜桂枝五苓加薑汁炒蒺藜半夏旋覆花主之咳嗽嘔出涎沫面色鮮明不礙飲食者非中虛也作飲邪治宜小半夏湯加茯苓桂枝杏仁

感  
症  
實  
錄



南京中醫藥大學  
1664  
南京中醫藥大學圖書館版權所有

傷食

傷食亦頭痛惡寒發熱但身不痛右關脈短滑或弦滑與傷寒異胸膈飽悶惡食噯氣此食滯中脘也宜辛溫消導紫蘇厚樸枳實查肉神麩麥芽之類兼風寒者身體拘痛也加羌防散舌黃口渴者兼內火也加連翹黃芩萊菔子涼疏之若兼脹痛甚者挾痧穢也加廣藿梗川鬱金逐之

按食與痰乃傷寒兼有之症臨症者必須兼參可也凡停食脹痛在大腹臍以上者尙在小腸之間宜消導不可下其痛滿在臍及少腹方是燥糞在於大腸下之可也

感  
症  
寶  
符



南京中医药大学图书馆版权所有  
1694

蓄血

蓄血傷寒者非因傷寒熱瘀蓄血乃平時勞傷所蓄之血也病不從太陽入故無惡寒頭痛之症但發熱口渴語言無倫小便利大便黑或胸脇間有痛處或因血鬱心脾如見鬼狀藥不宜涼亦不可熱當用川鬱金參三七生查肉紅花全當歸桃仁延胡香附丹參澤蘭之類和之行之如舌潤不渴者加肉桂溫之舌燥便秘加酒大黃行之

痧穢

凡痧穢從口鼻吸入即從膜原流布三焦便見頭痛惡寒發熱骨節痠疼與傷寒相似但脈沉細或手足指冷腹滿嘔惡與傷寒異刺少商穴其血紫滯者是也須用川鬱金石菖蒲廣藿香檳榔厚朴青皮



紫蘇等以逐穢邪則膜原清肅三焦通利而愈矣亦當兼食痰暑濕為治

邵評外經絡內藏府膜原在內外交界之地章虛谷薛氏濕熱條辨釋膜原外通肌肉不獨口鼻所入之邪歸之肌因濕熱之邪亦必歸之其為三焦之門戶而近胃口故膜原之邪必由三焦而歸脾胃也

感症寶筏卷之四終





感症寶筏卷三藥方

傷寒變症藥方

桃仁承氣湯

桃仁 二錢 桂枝 五分 甘草 五分

芒硝 五分 大黃 一錢

右五味以水一盞七分、煮取六分、內硝石令消、

抵當湯

水蛭 十個 蟅蟲 十個 大黃 二錢 桃仁 七分

右四味爲末、以水二盞、煮取六分、

抵當丸



水蛭 二十個 蠱蟲 二十五個 桃仁 二十個

大黃 一兩

右四味杵分爲四丸以水九分煮一丸取六分服

半夏瀉心湯

薑半夏 錢半 黃連 六分 黃芩 五分

人參 四分半 大棗 二枚 乾薑 四分

甘草 四分

右七味以水二盞煮取一盞二分去滓再煎取六分

甘草瀉心湯

甘草 六分 半夏 九分 黃連 三分 黃芩 四分



人參 四分半 大棗 二枚 乾薑 四分半

右七味以水二盞煮取一盞二分去滓再煎取六分

大黃黃連瀉心湯

大黃 二錢 黃連 二錢

右以麻沸湯六分漬之須臾絞去滓服

附子瀉心湯

大黃 一錢 黃連 五分 黃芩 五分 附子 七分半

右以水九分先煮附子取六分去滓令沸內諸藥漬之須臾絞

去滓服

生薑瀉心湯



生薑 六分 半夏 九分 黃連 二分

黃芩 四分半 乾薑 一分半 人參 四分半

甘草 四分半 大棗 二枚

右煮法同前

旋覆花代赭石湯

旋覆花 三錢 甘草 六分 人參 四分

半夏 一錢二分 生薑 一錢 代赭石 二錢

大棗 二枚

右七味以水二盞煮取一盞二分去滓再煎取六分

大陷胸湯



大黃 九分 芒硝 二錢 甘遂 七厘半（末之）

右以水一盞八分，煮大黃取六分，內芒硝令沸，內甘遂末服。

小陷胸湯

黃連 八分 半夏 二錢四分 栝蒌實 六錢

右三味以水一盞八分，煮栝蒌實取九分，內二味煮去六分。

大陷胸丸

大黃 半斤（今之二十四錢弱） 芒硝 半斤（今之二十錢）

杏仁 半斤（今之十八錢弱） 葶藶 半升（今之十五錢）

甘遂 一錢七分

右五味上四味搗和取如彈丸一枚，以白蜜一分強，水一盞二



分、煮取六分、內甘遂末服、

葛根黃芩黃連湯

葛根 一錢六分 甘草 四分 黃芩 四分 黃連

右四味、以水二盞、煮取六分、

桃花湯

赤石脂 一錢六分 乾薑 七分 粳米 二錢

右三味、以水二盞、煮取六分、更內赤石脂末、

胃關煎合桃花湯

熟地 三五錢 山藥 炒二錢 白扁豆 二錢 炙甘草 一錢

吳茱萸 五分 白朮 炒一錢 赤石脂 一錢六分



乾薑 七分 粳米 二錢

右以水二碗煎取一碗食遠服

八正散

大黃 一錢 瞿麥 一錢 木通 一錢 滑石 一錢

扁蓄 一錢 車前子 一錢 山梔仁 一錢 甘草 一錢

右燈芯水煎

荆防敗毒散

荆芥 一錢 防風 一錢 羌活 一錢 獨活 一錢

銀花 一錢 柴胡 一錢 枳殼 一錢 川芎 一錢

桔梗 一錢 茯苓 一錢 前胡 一錢 甘草 一錢



右以水二鐘、薑三片、煎八分、食遠服、

三黃石膏湯

大黃 三錢 黃芩 三錢 川連 六分 石膏 四錢

甘草 六分 焦山梔 三錢 淡豆豉 三錢 麻黃 五分

右以水兩碗、煎成一碗、食遠服、

炮薑理中湯

東洋參 一錢 江西朮 一錢 炮薑 六分

炙甘草 五分

右以水碗半、煎成一碗、食遠服、

瀉白散





生桑皮 三錢  
地骨皮 三錢  
生甘草 八分

生粳米 三錢

右以水碗半煎成一碗食遠服

茵陳五苓散

綿茵陳 三錢  
官桂 五分  
茯苓 錢半  
猪苓 錢半

白朮 一錢  
澤瀉 錢半

右以水碗半煎成一碗食遠服

梔子柏皮湯

焦山梔 三錢  
黃柏 錢半  
西茵陳 二錢

右以水碗半煎成一碗食遠服



栝蒌桂枝湯

栝蒌根 三錢 桂枝 六分 白芍 一錢 生甘草

四分

生薑 六分 大棗 兩枚

右六味以水一盞八分、煮取六分、

小續命湯

桂枝 八分 附子 四分 川芎 八分 防風 一錢二分

麻黃 八分 人參 八分 白芍 八分 杏仁 八分

黃芩 八分 防已 八分 甘草 八分

右用水椀半、以生薑三片、大棗三枚、煎成一椀、溫服、

歸芪建中湯



南京中醫藥大學圖書館版權所有

當歸 錢半 黃芪 錢半 白芍 一錢二分

桂枝 六分 甘草 六分 大棗 六分 生薑 六分

膠飴 三錢二分

右八味以水一盞四分煮取六分去滓內膠飴更上微火消解

八珍湯

潞黨參 錢半 生晒朮 錢半 浙茯苓 三錢

甘草 六分 白歸身 錢半 川芎 八分

熟地 三錢 生白芍 一錢

右以水二椀煎成一椀食遠溫服

白虎合解毒湯



生石膏 六錢 知母 四錢 生甘草 八分

生粳米 三錢 黃芩 二錢 黃連 八分

黃柏 六分 焦山梔 三錢

右以水二椀煎成一椀食遠服

三黃湯

黃芩 二錢 黃連 一錢 生大黃 錢半

右以水二椀煎成一椀食遠服

大黃散

大黃 二錢 當歸 五分 桂心 五分 桃仁 五分

鱉甲 一錢 橘皮 一錢



右以水兩椀煎成一椀食遠服

霹靂湯

用陳年糞坑內青磚一塊洗淨放炭火內燒紅另以水煎滾將燒紅之磚投入水內待其响定水稍溫即可以服矣

十味溫胆湯

仙半夏 二錢 枳實 二錢 陳皮 二錢 白茯苓 三錢

酸棗仁炒 一錢 遠志去心 一錢 五味子 一錢

熟地黃 一錢 人參 一錢 粉甘草炙 五分

右以水二椀生薑三片紅棗二枚煎一椀日二服

酸棗仁湯



酸棗仁炒 三錢 遠志 錢半 黃耆 錢半 白茯苓 二錢

蓮肉 一錢 歸身 二錢 人參 一錢 辰茯神 二錢

新會皮 錢半 粉甘草 五分

右以水二碗半、生薑二片、棗二枚、煎七分、日二服、臨臥一服。

吳茱萸湯

吳茱萸 一錢 人參 一錢 生薑 一錢 大棗 二枚

右四味、以水碗半、煮取一椀、溫服。

十棗湯

芫花 甘遂 大戟 各一錢為末 大棗 十枚

右以水一椀、煮大棗取六分、去滓、內散一錢、羸人半錢。



茯苓甘草湯

茯苓 三錢 桂枝 一錢 生薑 一錢半 甘草 五分

右四味以水一盞二分煮取六分

炙甘草湯

炙甘草 一錢 人參 一錢 生地 三錢 桂枝 五分

麻子仁 一錢 麥冬 一錢 阿膠 一錢 烱冲

右七味以水二盞六分煮取一盞二分內阿膠烱盡分三次服

生薑半夏湯

半夏 三錢 生薑汁 一匙

右以水一椀煮半夏取八分冲生薑汁



丁香柿蒂湯

丁香 七隻 柿蒂 三十枚

右以水一盞二分煮取六分食遠服

茱萸理中湯

茱萸 五分 人參 一錢 白朮 錢半 炮薑 一錢

甘草 五分

右五味以水一碗半煮取一碗分兩次服

橘皮竹茹湯

橘皮 三錢 竹茹 八分 大棗 二枚

生薑 八分 炙甘草 五分 人參 二分





右六味以水二椀煮取六分

橘皮半夏生薑湯

橘皮 二錢五分 半夏 二錢 生薑 一錢

右三味以水一碗半煮取六分

理陰煎

熟地 二錢 當歸 二錢 甘草 一錢 乾薑 一錢

右四味以水一碗半煮取一碗分二次服

熟附都氣飲

熟地 四錢 附子 一錢 山萸 一錢 淮藥 錢半

茯苓 三錢 五味子 五分 丹皮 一錢 澤瀉 二錢



右八味、以水二椀半、煮取一碗、食遠、分三次溫服、

利幽湯

當歸 二錢 麥冬 二錢 杏仁 三錢 桃仁 三錢

殭蠶 八分 穿山甲 一錢 丹參 三錢 檳榔 錢半

瓜蒌仁 四錢 赤茯苓 三錢 赤小豆 三錢

右十一味、以水二盞半、煎取一盞六分、食遠服、

景岳貞元飲

大熟地 一兩 白歸身 三錢 炙甘草 錢半

右三味、以水二盞、煮取一盞、分兩次服、

茯苓桂枝甘草大棗湯



南京中醫藥大學圖書館版權所有

茯苓 四錢 甘草 八分 大棗 二枚 桂枝 一錢

右四味以甘瀾水二碗先煎茯苓至碗半納諸藥煎取一碗去滓溫服一日三服

苓桂甘棗湯

茯苓 一錢二分 甘草 四分半 大棗 二枚

桂枝 六分

右四味以水二盞煮取六分

人參養榮湯

人參 一錢 白朮 一錢 白芍 錢半

陳皮 一錢 炙甘草 一錢 茯苓 一錢



南京中医药大学图书馆版权所有

當歸 二錢 桂枝 一錢 炙草 一錢

熟地 七分半 遠志 五分 五味子 十四粒

右十二味、以水二大椀、加薑二片、棗三枚、煮取一碗六分、食遠服、

升麻鱉甲湯

升麻 八分 當歸 二錢 甘草 六分 川椒 炒出汗 四分

生鱉甲 四錢 雄黃 四分

右六味、以水二碗、煮取一碗、頓服、老小再服、取汗、陰毒去、雄黃

蜀椒

感症寶筏卷之三藥方終



感症寶筏卷四

傷寒類症藥方

敗毒散

羌活 八分 獨活 八分 柴胡 五分 前胡 錢半

枳殼 一錢 桔梗 錢半 川芎 五分 薄荷 八分

茯苓 二錢 甘草 五分

右十味共為細末、每服三錢、水一盞、煎七分、溫服、或沸湯點服、

亦得、

藿香正氣散

藿香 錢半 厚樸 錢半 蒼朮 錢半 陳皮 錢半



紫蘇 八分 桔梗 錢半 半夏 錢半 白芷 一錢

大腹皮 三錢 生薑 一片 大棗 二枚 甘草 五分

浙茯苓 三錢

右十三味以水二碗、煮取一碗二分、食遠服、

甘桔湯

甘草 一錢 桔梗 錢半

右以水碗半、煮取一碗、食遠分二次服、

普濟消毒飲

薄荷 一錢 連翹 錢半 牛蒡 錢半 柴胡 八分

桔梗 錢半 黃芩 錢半 黃連 六分 馬勃 一錢



人參 一錢 元參 一錢 橘紅 八分

生甘草 五分 白殭蠶 八分 板藍根 一錢

右以水二大盞、煮取一盞、食遠服、

平胃散

蒼朮 錢半 厚朴 錢半 陳皮 錢半 甘草 五分

生薑 一片 大棗 二枚

右六味、以水一盞半、煮取一盞、食遠服、

達原飲

黃芩 一錢 白芍 一錢 知母 三錢 檳榔 二錢

厚朴 一錢 草果 五分 甘草 五分



右七味以水一盞半、煮取一盞、分二次服、

舉斑湯

升麻 五分 柴胡 五分 白芷 一錢 當歸 一錢

赤芍 一錢 生薑 二片 穿山甲 一錢

右七味以水二盞、煮取一盞、食遠服、

三消飲

黃芩 錢半 白芍 一錢 知母 三錢 檳榔 錢半

厚樸 錢半 石膏 三錢 甘草 五分 黃連 六分

葛根 錢半 柴胡 五分 大黃 一錢 生薑 一片

大棗 二枚





右十三味以水二椀煎取一碗食遠分二次服

生犀飲

生犀角 二錢 地骨皮 三錢 赤芍藥 一錢

柴胡 一錢 乾葛 錢半 甘草 五分

右六味以水二盞煮取一盞食遠服

清熱解毒湯

石膏 四錢 知母 三錢 甘草 一錢

人參 一錢 羌活 八分 升麻 三分

葛根 一錢 白芍 一錢 黃芩 二錢

黃連 六分 生地 三錢 生薑 一片



右十二味、以水二大碗、煎取一椀半、食遠服、

人中黃丸

大黃 三兩 黃芩 一兩 黃連 一兩

人中黃 二兩 蒼朮 二兩 桔梗 二兩

滑石 二兩 人參 一兩 防風 七錢

香附 七錢

右藥、以神麴糊丸、清熱解毒湯送下、二三錢、

人中黃散

人中黃 一兩 雄黃 一錢 辰砂 一錢

右藥為散、每服二錢、薄荷桔梗湯送下、日三夜二服、



雙解散

大黃 一錢 芒硝 一錢 連翹 三錢 焦山梔 三錢

黃芩 錢半 薄荷 一錢 麻黃 五分 石膏 四錢

飛滑石 六錢 生白朮 錢半 防風 一錢 荊芥 錢半

桔梗 錢半 川芎 五分 當歸 二錢 白芍 二錢

生薑 二片

右藥以水二大碗煎取一碗半食遠服

蒼朮白虎湯

蒼朮 三錢 石膏 四錢 知母 三錢

粳米 錢半 甘草 五分



右以水盞半煎取一盞食遠溫服

六一散 一名天水散

白滑石 六兩 水飛 甘草 一兩

右為細末每服三錢溫水或新汲水調下日三服

辰砂六一散

六一散一料加辰砂一錢飛

牛黃清心丸

陝西牛黃 二錢 五厘 鏡面硃砂 一錢 五分 生黃連 五錢 黃芩 三錢

焦山梔 三錢 川鬱金 二錢

為末蒸餅糊丸如黍米大每服七八丸



至寶丹

生烏犀角

一兩

生玳瑁

一兩

琥珀

一兩

鏡面硃砂

一兩研飛

雄黃

一兩研飛

西牛黃

五錢

龍膽

一錢研麝香

安息香

一兩

一兩五錢為末酒研飛淨一兩熬膏用水安息尤妙

金箔銀箔

各五十片研細為衣

先將犀玳為細末入餘藥研勻將安息香膏重湯煮凝成後入諸藥中和搗成劑丸如梧子大蠟護臨服剖用人參湯化下三丸至五丸

黃連香茹飲

香茹

一錢

黃連

厚樸

酒炒五分姜製一錢



水煎熱服

六和湯

香茹 一錢

人參 一錢

茯苓 二錢

甘草 一錢

扁豆 一錢

厚樗 一錢

木瓜 一錢

杏仁 一錢

半夏 一錢

藿香 六分

砂仁 六分

生薑 三片

大棗 一枚

水煎熱服一方無香茹有白朮

三物備急丸

大黃 一兩

巴豆 一兩

乾薑 一兩

乾薑 一兩

（今之三錢弱）



右爲末蜜丸

香菇飲

香菇 一錢

厚樸 姜製一錢

扁豆 炒研一錢五分

甘草 炙一錢

水煎井中沉冷服之身熱欲得汗者熱服

黃連香菇解毒湯

黃連 六分

香薷

五分

扁豆衣

錢半

厚樸 八分

焦山梔

三錢

黃芩

錢半

黃柏 五分

右以水二碗煎成一碗食遠服

麻黃杏仁米仁甘草湯



南京中醫藥大學圖書館版權所有

麻黃 八分 杏仁 三錢 生米仁 六錢 炙甘草 五分

右以水碗半煎成一碗食遠服

防己黃耆湯

防己 一兩 黃耆 一兩二錢五分 白朮 七錢半 甘草 炙半兩

右剉每服五錢生薑四片棗一枚水一盞半煎取八分去滓溫服

服

胃苓湯

蒼朮 錢半 厚朴 錢半 陳皮 錢半 白朮 錢半

茯苓 三錢 澤瀉 一錢 豬苓 一錢 甘草 六分

官桂 五分





右以水二碗、加生薑二片煎服、

桂枝附子湯

桂枝 一錢 附子 一錢 大棗 二枚

生薑 七分半 甘草 五分

右五味、以水一盞、八分、煮取六分、

大羌活湯

羌活 八分 防風 錢半 川芎 五分

細辛 三分 蒼朮 八分 白朮 八分

黃芩 錢半 生地 三錢 甘草 五分

獨活 五分 防已 五分 知母 三錢



南京中醫藥大學圖書館版權所有

右以水二盞煎取一盞半食遠服

蘆稷湯

蘆稷 五錢

以水碗半煎取一碗食遠分二次服

蕎麥湯

蕎麥 五錢

以水碗半煎取一碗食遠分二次服

桂苓甘露飲

肉桂 半兩

藿香

半兩

人參

半兩

木香

二錢半

白茯苓

一兩

白朮

一兩



甘草 一兩

澤瀉 一兩

葛根 一兩

石膏 一兩

寒水石 一兩

滑石 二兩

右爲末、每服三錢、白湯冷水任調下、

導痰湯

半夏 湯洗七次四兩

天南星 炮去皮

小枳實

淡竹茹 一兩

赤茯苓

橘紅 各一兩

甘草 炙半兩

右咬咀、每服四錢、水一盞、薑二片、煎八分、食遠溫服、

小半夏湯

半夏 二錢四分

生薑 一錢六分

右二味、以水二盞八分、煮取六分、



廉按以上諸方。但就本書中有方名而無藥品者錄之。以便檢查。若明列藥品者概不錄。閱者諒之。

感症寶筏卷四藥方終

